

Хөөчнрин диилвр

Болдра Бадм, Пэгән Бембә хойр багъ цагасн авн хөөнә өөр өсдж-босси улс. Эн зун эврәннь төрски газрун нүүдж ирэд, хөөднь шалтгта, хургъднь туулдг гем ирэд үкдж бääсн отар негддж эдн авч хәрүлв.

Бадм Бембә хойр гер-бүлтэггән, хөөдтән чинә орулдж авхин кергт цагтнь услад, газрин идгинь соляд, өрүн харнъгъула туудж гарад, асхнднь ора күртл идүлджав.

Иигдж үнн седкләрн зүткдж кōдләд, хөөнә шалтгинь болн хургъд үкдгинь уурулад, отаран ясрулдж авцхав.

Эдн үвлин белдлгънд хашахаалгъан ясад, цеврләд, терз-үүдинь кеггәд, үвлин киити шуургънд белн.

Эн хөөчнр 719 хөөндән кōг тавад төгсәв. Хөөнә хургъллгън апрелин шинәс авн эклхмн. 1958 джил хөөчнр 100 хөөнәс 118 хургъ авх даалгъвр авсмн. Эн даалгъвран күцәхәр хөөчнр оданас авн белдвр кеджәнә. Эднә отарас нег чигн хөөнә гару уга.

Хөөчнр кошарин өөр бәрси цевр-цер, у-сарул герт бәәнә. 1958 джилд цугтан „Хальмг үнн“ газет умшхар бичүлдж авцхав.

Эднә ончта кōдлмшиг темдгддж Октябрин 40-ч джилин өөнд Хальмг тангъчин парт-организацин оргбюро болн тангъчин күцәгч комитет Күндллгънә грамотар ачлв.

БАМБИН Бова.

Приозерн района „Чкалов“ совхоз.